

ի սբ. փրկչէն. կարդացեն և այլ ի վանքն դարձուցեն...»  
 Կարապետ վրդ. ի այս յիշատակարանէն զատ՝ նոյն ձեռագրին  
 մէջտեղը լուսանցքի վրայ գրուած կը տեսնուի հետեւեալը. «տէր  
 Յս. ողորմիա կրպ. վրդ. ին հմացո. ամէն». տեսնել նաև (Ժպե.  
 Հատ. Ա. էջ 234): Ուրիշ ժամանակագիր մը, յիշատակարանի  
 մը համաձայն, կը գրէ թէ՝ Կարապետ վրդ. բացի Ս. Փրկչի  
 վանքին վերաշինութենէն, կը նորոգէ նաև «զեկեղեցին գերեզ-  
 մանի Աստուածածնայ ի Գեթսեմանի բազում աշխատութեամբ,  
 զի գերեզման եւ եթ երեւէր. իսկ յեկեղեցին լցեալ աւազով  
 ի հեղեղէ անտի, և զրունք ինչ էին մերձ գերեզմանին սուրբ  
 Աստուածածնայ որ ի ոամկաց զրունք դժխոց անուանէին.  
 գայնո քակեալ և ձեփեալ է, որպէս երեւի, ի վաղու ժամանա-  
 կաց ի վիմէ փորեալ գերեզմանք են լեալ...» (ՄՁ. Թ. 1818):  
 Մեր հոս յիշած ժամանակագիրը չգիտցուի թէ ո՞ր յիշատակա-  
 րանի վրայ յենլով՝ Կարապետ վրդ. Երուսաղեմացին կը դասէ  
 Ս. Յակոբի վանքի պատրիարքներու շարքին մէջ. (Յպե. էջ 40):

ԿԱՐԱՊԵՏ ՎՐԴ. ԱԿՆՑԻ.—Մբ. 1876 ին:

ԿԱՐԱՊԵՏ ՎՐԴ. ԱՄԱՍԻԱՅԻ.—Մբ. 1780 ին, ՆԼ. Ամասիոյ:

ԿԱՐԱՊԵՏ ՎՐԴ. ԱՄԱՍԻԱՅԻ.—Մբ. 1855 ին,

ԿԱՐԱՊԵՏ ՎՐԴ. ԱՐՄՏԱՆՑԻ.—Մբ. 1810 ին, Կ'ընդօրինա-  
 կէ Ս. Էջմիածնի միաբան Հոռմկլայեցի Պետրոս վրդ. ին Աստու-  
 ծաբանութիւնը:

ԿԱՐԱՊԵՏ ՎՐԴ. ԲԵՐԻԱՅԻ.— 1757 ին ուխտաւորութեամբ  
 կ'այցելէ Ս. Յակոբի վանքը:

ԿԱՐԱՊԵՏ ՎՐԴ. ԳԱԼՖԱՅԵԱՆ, ԷՎԷՐԷԿՑԻ.—Մբ. Ձո. 1830  
 ին, Աո. Տրապիզոնի (1839-42) իր պաշտօնավարութեան սկիզ-  
 բը, Տրապիզոնի մէջ իր կողմէ պատրաստուած կահուց և կա-  
 րասեաց տետրակի մը ներքև կը գրէ հետեւեալը «... Այցելու  
 եւ վերատեսուչ նուաստ ծառայ ծառայիցն Աստուծոյ Ս. Երու-  
 սագէմի միաբան Կարապետ վրդ. Կեսարու էվէրէկ գեղջէ Մ.  
 Կարապետ Ղաւֆայեան քիւրքճի զատէ»: Կը ձեռնադրուի եպս.  
 1851 ին, Աո. Սեբաստիոյ (1851-1869), կրկին ուխտաւորու-  
 թեամբ կ'այցելէ Ս. Յակոբի վանքը (1857-1859): 1869 էն յե-  
 տոյ կը մնայ Ս. Նշանի վանքին մէջ իբրև վանահայր: Կը վախ-  
 ճանի 1877 ին. տեսնել նաև (Պ. Սեբաստիոյ. էջ 306):